

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 4. stav 1. Zakona o koncesijama (Prečišćeni tekst) („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

ODLUKU

o pristupanju provođenja procedure dodjele koncesije za istraživanje i eksploataciju krečnjaka na lokalitetu “Trebačko brdo”, Općina Tešanj

Član 1.

(Predmet)

Pristupa se provođenju procedure dodjele koncesije za istraživanje i eksploataciju krečnjaka na lokalitetu „Trebačko brdo“, Općina Tešanj, na parceli označenoj kao k.p.broj: 703/1 K.O. Trepče, zvana “Trebačko brdo”.

Član 2.

(Lokacija)

Istražno-eksploatacijski prostor definisan je koordinatama prelomnih tačaka:

Tačka 1	Y= 6 504 393	X= 4 941 729
Tačka 2	Y= 6 504 437	X= 4 941 747
Tačka 3	Y= 6 504 454	X= 4 941 759
Tačka 4	Y= 6 504 426	X= 4 941 838
Tačka 5	Y= 6 504 490	X= 4 941 521
Tačka 6	Y= 6 504 587	X= 4 941 456
Tačka 7	Y= 6 504 694	X= 4 941 484
Tačka 8	Y= 6 504 602	X= 4 941 927
Tačka 9	Y= 6 504 659	X= 4 941 924
Tačka 10	Y= 6 504 478	X= 4 941 628
Tačka 11	Y= 6 504 457	X= 4 941 635
Tačka 1	Y= 6 504 393	X= 4 941 729

Ukupna površina istražno-eksploatacijskog prostora na pomenutom lokalitetu je 3,3 ha .

Član 3.

(Opći eliminatorni uslovi)

Opći eliminatorni uslovi za izbor najpovoljnije ponude za dodjelu koncesije za istraživanje i eksploataciju mineralne sirovine krečnjaka na predmetnom lokalitetu su:

- Dokaz o uspješnom poslovanju ponuđača u posljednje tri poslovne godine;
- Dokaz o uredno izmirenim javnim prihodima (porezima, doprinosima, koncesionim naknadama);
- Studiju o ekonomskoj opravdanosti dodjele koncesije na istraživanje i eksploataciju krečnjaka na lokalitetu „Trebačko brdo“, općina Tešanj koja je usklađena sa zahtjevom Načelnog sadržaja.
- Izjava o prihvatanju svih uslova iz člana 7. Odluke Općinskog vijeća Tešanj o davanju saglasnosti za dodjelu koncesije, broj: 01-49-2-1888-4/18 od 28.12.2018.godine, koji glasi:
„U cilju zaštite lokalne ceste LC-15 Medakovo-Trepče-Rakovice-Šije od prekomjernog opterećenja učestalim saobraćanjem vozila sa eksploatacionim materijalom, obavezno je

preusmjeravanje istog na nerazvstano cestu zv. DRUM (put koji spaja Trebačko brdo sa putem Medakovo-Šije).

Koncesionar je dužan obezbijediti adekvatnu zaštitu okolnog zemljišta od urušavanja ili eventualne pojave klizišta, pristup privatnim parcelama i lokacijama na kojima se nalaze radio i drugi predajnici, te sanaciju površinskog kopa nakon završetka eksploatacije“.

Član 4 (Posebni uslovi)

Posebni uslovi za izbor najpovoljnije ponude za dodjelu koncesije na israživanje i eksploataciju mineralne sirovine krečnjaka su:

- a) Vrijeme koncesije za istraživanje i eksploataciju je 10 godina, od čega do 2 godine za istraživanje, a zavisit će od utvrđenih rezervi mineralne sirovine;
- b) Za eksploatisane količine mineralne sirovine krečnjaka (tehničko-građevinskog kamena) koncesionar je dužan plaćati kontinuiranu koncesionu naknadu u iznosu od minimalno 1.30 KM/ m³ čvrste mase mineralne sirovine (slovima: jedna konvertibilna marka i trideset feniga po metru kubnom čvrste mase).
Koncesiona naknada za iskorišteni ukrasni kamen (arhitektonsko-građevinski kamen) je 5% od cijene prodane količine ukrasnog kamena po m³, a koja ne može biti manja od 10% od ukupne godišnje eksploatisane količine mineralne sirovine krečnjaka u m³ čvrste mase.
- c) Minimalna količina eksploatisane mineralne sirovine za koju je koncesionar obavezan plaćati kontinuiranu koncesionu naknadu je 10.000,00 m³ /godini čvrste mase mineralne sirovine krečnjaka (slovima: desethiljada metara kubnih čvrste mase po godini);
- d) Minimalna jednokratna (fiksna) koncesiona naknada po hektaru istražno-eksploatacijskog prostora ležišta, „Trebačko brdo“, općina Tešanj, na parceli označenoj kao k.p.broj: 703/1 K.O. Trepče, je 10.000,00 KM/ha (slovima: desethiljada konvertibilnih maraka po hektaru).

Član 5. (Ostali uslovi)

Ostali uslovi za izbor najpovoljnije ponude za dodjelu koncesije za eksploataciju i istraživanje mineralne sirovine krečnjaka su:

- a) Koncesija će se dodijeliti prema kriteriju najpovoljnijeg ponuđača, odnosno, po principu najvećeg zbira bodova po osnovu tenderskih kriterija, koji uključuju visinu kontinuirane i jednokratne koncesione naknade, minimalnu godišnju realizaciju predmeta koncesije, poslovni rezultat, kao i na osnovu općih kriterija dodjele koncesije za istraživanje i eksploataciju krečnjaka na istražno-eksploatacijskom prostoru ležišta, „ Trebačko brdo“, općina Tešanj, na parceli označenoj kao k.p.broj: 703/1 K.O. Trepče,
- b) Procentualno učešće kod vrednovanja ponuda je:

a) kontinuirana naknada	maximalno 60 bodova;
b) jednokratna koncesiona naknada	maximalno 20 bodova;
c) minimalna godišnja realizacija	maximalno 20 bodova;
- c) Najpovoljniji ponuđač - koncesionar dužan je prije potpisivanja koncesionog ugovora Ministarstvu za privredu dostaviti:
 - geodetski snimak „nultog stanja“ istražno-eksploatacionog polja,
 - geodetski elaborat sa identifikacijom parcela,
 - uplatnicu za jednokratnu naknadu,
 - ovjerenu mjenicu sa mjeničnom izjavom na iznos vrijednosti minimalne dvogodišnje eksploatacije mineralnog resursa, koji iznosi 26.000,00 KM (slovima: dvadesetsethiljada konvertibilnih maraka), prema minimalnoj kontinuiranoj koncesionoj naknadi.

Najpovoljniji ponuđač - koncesionar dužan je odmah nakon potpisa Koncesionog ugovora obezbijediti:

- upis Koncesionog ugovora u Zemljišne knjige i dostaviti ZK uložak Ministarstvu za privredu, a u daljnjim upravnim postupcima i
- urbanističku saglasnost za istraživanje i eksploataciju, vodne akte, šumarsku saglasnost, okolinsku dozvolu i druge potrebne saglasnosti propisane posebnim propisima.

Član 6.

(Istraživanje i eksploatacija)

Istražne i eksploatacijske radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

Član 7.

(Provođenje postupka izbora)

Zadužuje se Ministarstvo za privredu da, putem Komisije koju imenuje ministar Ministarstva za privredu, provede postupak prikupljanja ponuda, izvrši odabir i predloži Ministarstvu za privredu najpovoljnijeg ponuđača.

Član 8.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-18-7742/19

Datum, 07.05.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“,

1x a/a.